

## **1.UVOD**

Sektor mikrofinansija se pokazao koristan za zemlje tranzicije gdje tržište finansija kao ni sama država nije uređena do kraja. Posebna specifičnost je to što mikrofinansijski sektor omogućava dostupnost finansijskim sredstvima kategorijama stanovništva koje su na marginama društva uopšte. U Bosni i Hercegovini mikrofinansijski sektor se razvio brzo jer je uz pomoć Svjetske banke, USAID-a, EBRD-a i ostalih finansijera i donatora prvenstveno zamišljen kao podrška malim preduzećima i individualnim proizvođačima, trgovcima i poljoprivrednicima.

Kreditni porftolio obuhvata sve kreditne plasmane unutar jedne cjeline(koja može biti skup pojedinačnih manjih cjelina)struktuiran prema kategorijama koje koriste usluge MKO. O upravljanju kreditnim portfoliom se brine menadžment MKO kreirajući politike i procedure koje pobliže regulišu ovu oblast pri tome posvećujući maksimalnu pažnju na rizik za koji takođe kreira načine, tehnike praćenja oslanjajući se na preporuke Bazelskog komiteta.

Za zakonitost poslovanja MKO brinu se entitetske bankarske agencije koje kroz niz zakonskih, podzakonskih akata i uredbi prate rad MKO te kontrolišu i izvještavaju o istom.

### **1.1.Predmet i problem ispraživanja**

Predmet istraživanja je upravljanje portfolim kredita u MKO sa osvrtom na stanje i veličina portfolia u svijetu i Bosni i Hercegovini. Takođe je na praktičnom primjeru prikazan dio rada u MKO koji se odnosi na upravljanje portfoliom.

### **1.2. Cilj istraživanja**

Cilj istraživanja je da pokaže da je mikrokreditiranje uglavnom prisutno u siromašnim društvima, društvima u tranziciji. Cilj je takođe pokazati tehnike u upravljanju portfoliom, detalje na koje je potrebno obratiti pažnju kako bi taj portfolio bio što kvalitetniji i načine za prevazilaženje eventualnih kriznih situacija.

### **1.3. Osnovna hipoteza**

Mikrokreditiranje je najzastupljenije u najsiromašnijim zemljama svijeta što je osnovni zadatak i svrha mikrokreditiranja-učiniti dostupnim novac siromašnim slojevima društva da kroz sopstveni angažman poboljšaju životne uslove za sebe i porodicu i društvo u cjelini.

### **1.4. Naučne metode**

Naučne metode korištene u ovom radu su: induktivna i deduktivna, analize i sinteze, statistička i studij slučaja.

## 1.5. Struktura rada

Prvi (uvodni dio) govori o problemu načinu i metodama rada, hipotezi te strukturi rada.

Drugi dio govori uopšteno o mikrokreditiranju njegovom istorijskom razvoju i značaju za društvo u cjelini kao i sličnostima i razikama između bankarskog i mikrokreditnog sektora. Takođe se većim dijelom odnosi na mikrokreditiranje u svijetu kroz tabelarni prikaz broja kredita i portfolia po državama i regijama.

Treći dio govori o mikrokreditiranju u BiH, nabrojane su sve mikrokreditne institucije, akti Federalne bankarske agencije kao i statistički prikaz iz izvještaja bankarske agencije a koji se odnose na portfolio i njegovu kvalitetu.

Četvrti dio se odnosi na karakteristike i strukturu kreditnog portfolia sa ovrtnom na sve elemente. Četvrti dio takođe se odnosi na monitoring strategije kreditnog portfolia probleme i metode za bolje i uspješnije kreiranje politika i procedura. Rizici su takođe tema a u ovom dijelu se govori o rizicima u MKF a najviše operativne i načine njihove klasifikacije.

Peti dio se odnosi na konkretan slučaj MKF EKI. U ovom dijelu je objašnjeno kako se praktično djeluje u smislu upravljanja portfoliom.

Zaključak je zadnji dio, tj objedinjene su sve cjeline kroz kratak osvrt svega prikazanog.